

TABULA 330.

STAPELIA HIRCOSA.

PENTANDRIA DIGYNIA.

CHAR: ESSENT: *Contorta. Corolla rotata. Nect. duplici stellula tegente genitalia. Folliculi 2. Sem. plumosa.*

STAPELIA *hircosa*: corollis quinquefidis, planis, margine ciliatis, supra tuberculato-rugosis, subtus punctatis, coronae exterioris laciniis erectis tripartitis, intermedia longiore, cornubus subulatis divergentibus, appendicibus lanceolatis. *WILDENOW Enumer. Plantar. p. 281.*

STAPELIA corollis ciliatis, facie tuberculato-scalbrosis, dorso punctatis; ligulis tripartitis, erectis, intermedia sublanceolata et lateralibus duplo longiore. *v. Jacq. Stap.*

Habitat ad caput bonae spei. f.

RAMI glabri, ex glauco virentes, erecti, ramosi, pedales et ultra, tetragoni; angulis obtusis, dentatis; dentibus basi crassis et subconicis, dein veluti ex articulatione longe mucronatis patentissimis, mucronibus in adultis deciduis.

PEDUNCULI ex inferiore parte ramorum juniorum, ex pedicello communi brevique plusculi, mutuo succedentes, uniflori, teretes, glabri, pallide virentes, patentissimi, biunciales, fere calamus crassi.

CALYCIS quinquepartiti foliola lineari-lanceolata, acuta, glabra, patentissima, virentia.

COROLLA foetida, trium unciarum diametri, semiquinquefida, patentissima, plana; foris tota pallide virens, glabra, quinque lineis purpureis punctisque ejusdem coloris dense obsita; intus flavescens, totaque tuberculis atrosanguineis circa faucem interrupta, circularibus scabrosa. *Tubus* brevissimis, pelviformis. *Laciniae* ovatae, acutae, integerrimae, ad oras pills purpureis ciliatae.

NECTARIUM *saccus* brevis, flavescens cum fasciis quinque sanguineis. *Rostra* subulata, acuta, inferne sanguinea, apice flava, basi erecta, dein recurvata. *Alae* conicae, acutae, erectiusculae rostris duplo breviores, ex sanguineo flavoque variae. *Ligulae* erectae, acutae, intus ex sanguineo flavoque variae, floris sordide virentes cum suffusa purpurea; tripartitae, laciniis lateralibus subulatis et longitudine rostrorum, media sublanceolata et duplo lateralibus longiore. *v. Jacq. l. c.*

Planta magnitudine naturali.

1. Genitalia aucta.